

# UGOVOR

o nabavci usluga prepravke i reparacije arhivskih polica

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Sarajevo, Reisa Džemaludina Čauševića 6/III, kojeg zastupa generalni sekretar Ustavnog suda, Nataša Vuković (u daljem tekstu: **Naručilac usluga**),

i

„**RIGEL**“ o.d., Sarajevo, Branislava Nušića br. 199, koga zastupa Arnel Dedić, direktor (u daljem tekstu: **Davalac usluga**).

## Član 1.

Predmet ovog ugovora je pružanje usluga prepravke i reparacije arhivskih polica za potrebe Naručioca usluga u skladu sa ponudom Davaoca usluga broj 37/16 od 5. oktobra 2016. godine, koja je sastavni dio ovog ugovora.

## Član 2.

Cijena za izvršenje usluga iz člana 1. ovog ugovora iznosi 5.535,00 KM bez PDV-a.

Naručilac usluga se obavezuje da će Izvršiocu usluga isplatiti avans od 70% ukupnog iznosa navedenog u stavu (1) ovog člana odnosno 3.874,50 KM u roku od 7 dana od dana potpisivanja ovog ugovora.

Naručilac usluga će preostalih 30% od ugovorene cijene odnosno 1.660,50 KM uplatiti na račun Izvršioca usluga po izvršenju usluga iz člana 1. ovog ugovora bez primjedaba.

## Član 3.

Davalac usluga se obavezuje da će usluge iz člana 1. ovog ugovora izvršiti kvalitetno i najkasnije u roku od 60 dana od dana zaključenja ugovora.

Ugovoreni rok se može mijenjati samo u slučaju više sile i okolnosti na koje Davalac usluga nema direktni uticaj, pod uslovom da je Davalac usluga blagovremeno poduzeo sve potrebne radnje da do kašnjenja ne dođe njegovom krivicom, a definisat će se aneksom ugovora.

Davalac usluga garantuje za solidnost i kvalitet izvedenih usluga u trajanju od 24 mjeseca, računajući od dana izvršenja usluge i obavezuje se da će po pozivu Naručioca usluga u roku od 7 (sedam) dana otkloniti eventualne nedostatke na svoj trošak.

#### Član 4.

Davalac usluga se obavezuje da će po izvršenju usluga iz člana 1. ovog ugovora Naručiocu usluga dostaviti fakturu na cjelokupan ugovoreni iznos iz člana 2. stav (1) ovog ugovora i obavezno naznačiti iznos avansa iz člana 2. stav (2) ovog ugovora.

Naručilac usluga se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po izvršenju usluga bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

#### Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima BiH.

#### Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

#### Član 8.

Ovaj ugovor stupa na snagu danom potpisivanja od strane ovlaštenih lica ugovornih strana.

#### Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA DAVAOCA USLUGA


Direktor

**Arnel Dedić**

Obrotnička djelatnost

"PRIGEL"

SARAJEVO, BEOGRAD, NUSIĆA BR. 199



Generalni sekretar

Ustavnog suda Bosne i Hercegovine

**Nataša Vuković**

Broj: \_\_\_\_\_

Broj: P3-444/16

Sarajevo, 7.10.2016.

Sarajevo, 7.10.2016.